

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

MINISTARSTVO ZA OBRAZOVANJE, NAUKU I MLADE

PREDMET: ZASTUPNIČKA INICIJATIVA

Kako je aprilski upisni rok u skladu sa strogo definisanim školskim područjima iz Zakona o osnovnom odgoju i obrazovanju donio prve nevolje roditeljima i učenicima u osnovnim školama, pokrećem inicijativu prema resornom Ministarstvu da preispita da li su školska područja definisana u skladu sa osnovnim principom iz člana 54., st.(3) „da se učenicima omogući pohađanje škole koja je najbliža njihovom mjestu stanovanja“. Posebno tražim pojašnjenje ovog principa za slučajeve u kojima je đacima bliža škola susjedne općine nego škola definisana školskim područjem matične općine.

OBRAZLOŽENJE:

Iako je Zakon definisanjem školskog područja trebao omogućiti roditeljima upis djece u najbližu školu, formulacija u kojoj se školsko područje veže isključivo za općinu prebivališta učenika napravila je suprotan efekat. Pa tako učenik, čije je prebivalište u Kasindolskoj ulici na prostoru Općine Ilidža, mora ići u Prvu osnovnu školu, iako mu je mnogo bliža O.Š. Čamil Sijarić na Dobrinji u susjednoj Općini Novi Grad.

Da se ne radi o problemu samo u slučaju pograničnih dijelova općina, govori i primjer gdje se učenik iz Otesa mora upisati u Šestu osnovnu školu, iako živi mnogo bliže Trećoj osnovnoj školi u naselju Pejton.

Na osnovu navedenih primjera, ali i do sada zaprimljenih molbi roditelja po ovom pitanju, molim Ministarstvo da preispita da li školska područja zadovoljavaju osnovni princip iz člana 54. Zakona i da, do okončanja analize školskih područja, bude fleksibilnije u odobravanju upisa u cilju olakšanja stresa od početka školske godine, kako učenicima, tako i roditeljima.

Sarajevo, 24.04.2018. godine

Zastupnica:

Mersiha Mehmedagić